

<b>Adroddiad i'r:</b>	<b>Pwyllgor Craffu Partneriaethau</b>
<b>Dyddiad y cyfarfod</b>	<b>10 Chwefror 2022</b>
<b>Aelod Arweiniol / Swyddog</b>	<b>Y Cyng. Bobby Feeley / y Cyng. Huw Hilditch-Roberts / Ann Lloyd / Rhian Morrille</b>
<b>Awdur yr Adroddiad</b>	<b>Ann Lloyd</b>
<b>Teitl</b>	<b>Asesiad o Anghenion Poblogaeth Rhanbarthol 2022</b>

## **1. Am beth mae'r adroddiad yn sôn?**

- 1.1. Yn unol â Deddf Gwasanaethau Cymdeithasol a Llesiant (Cymru) 2014 a Rheoliadau Gofal a Chymorth (Cynllunio Ardal) (Cymru) mae angen Asesiad o Anghenion Poblogaeth Rhanbarthol (AAP) 2022.
- 1.2. Cyhoeddwyd yr asesiad cyntaf o anghenion y boblogaeth yn 2017 ac mae wedi'i ddefnyddio fel sail i'r ddogfen ddiweddaraf hon.

## **2. Beth yw'r rheswm dros lunio'r adroddiad hwn?**

- 2.1. Mae angen argymhelliad ar gymeradwyo Asesiad o Anghenion Poblogaeth Rhanbarthol Gogledd Cymru.

## **3. Beth yw'r Argymhellion?**

- 3.1. I drafod, darparu sylwadau a chymeradwyo cyhoeddi Asesiad o Anghenion Poblogaeth Rhanbarthol Gogledd Cymru.

## **4. Manylion yr adroddiad**

- 4.1. Mae'r AAP Gogledd Cymru (Atodiad 1) wedi'i wneud ar y cyd gan y chwe Awdurdod Lleol, Bwrdd Iechyd Prifysgol Betsi Cadwaladr (BIPBC) ac Iechyd Cyhoeddus Cymru. Mae'r AAP yn ceisio gwella ein dealltwriaeth o'r boblogaeth yng Ngogledd Cymru a sut y bydd anghenion y boblogaeth yn addasu ac yn newid dros y blynyddoedd.

- 4.2. Bydd yr AAP yn: - adnabod yr anghenion gofal a chymorth ar draws Gogledd Cymru; adnabod y gwasanaethau sydd ar gael i ddiwallu'r anghenion hynny; ac adnabod unrhyw fylchau / anghenion heb eu bodloni.
- 4.3. Mae rhywfaint o'r data a ddefnyddiwyd i lunio'r AAP wedi dyddio, e.e. Defnyddiwyd data cyfrifiad o Gyfrifiad 2011 gan na fydd data 2021 yn cael ei ryddhau er mwyn cyrraedd yr amserlen mae Llywodraeth Cymru wedi ei gosod ar gyfer cyhoeddi AAP Rhanbarthol. Bydd yr AAP yn cael ei ddiweddarau gyda'r data perthnasol wrth iddo ddod ar gael dros y cylch 5 mlynedd hwn o'r AAP.
- 4.4. Yr asesiad yw'r sail y dylai'r Bwrdd Partneriaeth Rhanbarthol ei defnyddio i wneud penderfyniadau i gynllunio a chomisiynu gwasanaethau gofal a chymorth at y dyfodol. Mae hefyd wedi'i fwriadu i ddylanwadu ar brosesau penderfynu lleol, gan gynnwys cynlluniau gwelliant corfforaethol a datblygu strategaethau a chynlluniau.
- 4.5. Mae'r AAP Rhanbarthol wedi ei rannu yn benodau thematig sy'n cynnwys:- Plant a Phobl Ifanc; Pobl Hŷn; Iechyd, Anabledd Corfforol a Nam ar y Synhwyrau; Anabledd Dysgu; Anhwylder Sbectrwem Awtistig; Iechyd Meddwl; a Gofalwyr Di-dâl. Hefyd, mae grwpiau eraill wedi'u cynnwys megis ffoaduriaid, cyn-filwyr y lluoedd arfog a'r rhai sy'n ddigartref.
- 4.6. Yn Atodiad 2 mae blaenoriaethau Sir Ddinbych, a fydd yn cael eu cynnwys yn fersiwn derfynol o'r AAP, ynghyd â dogfen debyg ar gyfer bob un o'r Awdurdodau Lleol a Bwrdd Iechyd Prifysgol Betsi Cadwaladr.
- 4.7. Beth sy'n digwydd nesaf? Bydd yr Asesiad o Anghenion y Boblogaeth yn cael ei ddefnyddio i lywio Adroddiad Sefydlogrwydd y Farchnad, sydd i'w gyhoeddi ym Mehefin 2022. Bydd Adroddiad Sefydlogrwydd y Farchnad yn asesu sefydlogrwydd a digonolrwydd y farchnad gofal cymdeithasol yn sgil y canfyddiadau a'r anghenion sydd wedi'u nodi o fewn yr asesiad hwn.
- 4.8. Yn cyd-fynd â'r AAP Rhanbarthol mae datblygiad Asesiad Llesiant Gogledd Cymru, y bydd Bwrdd Gwasanaethau Cyhoeddus Gogledd Cymru yn ei gyhoeddi ym Mai 2022. Gwnaed cysylltiadau gyda'r AAP ble mae elfennau cyffredin mewn blaenoriaethau a themâu wedi eu hadnabod ar draws y Rhanbarth.

## **5. Sut mae'r penderfyniad yn cyfrannu at y Blaenoriaethau Corfforaethol?**

5.1. Mae'r AAP yn cefnogi'r Blaenoriaethau Corfforaethol canlynol:-

- Mae pawb yn cael eu cefnogi i fyw mewn cartrefi sy'n diwallu eu hanghenion;
- Mae'r Cyngor yn gweithio gyda phobl a chymunedau i gynyddu annibyniaeth a chadernid;
- Man lle bydd pobl iau am fyw a gweithio ynddo a chanddynt y sgiliau i wneud hynny.

## **6. Faint fydd hyn yn ei gostio a sut y bydd yn effeithio ar wasanaethau eraill?**

6.1. Mae Cydweithredfa Gwella Gwasanaethau Gofal Cymdeithasol a Lles Gogledd Cymru yn ariannu Rheolwr Prosiect Rhanbarthol i gefnogi'r prosiect a chostau cysylltiedig gan gynnwys cyfieithu ac ymgysylltu arbenigol.

6.2. Bydd angen cyllido comisiynu bylchau / anghenion heb eu bodloni yn y farchnad gofal cymdeithasol yn y dyfodol un ai trwy arian grant priodol neu o gyllidebau gofal cymdeithasol sy'n bodoli.

## **7. Beth yw prif gasgliadau'r Asesiad o'r Effaith ar Les?**

7.1. Nid oes angen asesiad o'r effaith ar les.

## **8. Pa ymgynghoriadau sydd wedi'u cynnal gyda Chraffu ac eraill?**

8.1. Mae datblygiad yr AAP Rhanbarthol wedi ei arwain gan ymgysylltiad, trwy gynnal ymarfer ymgynghori ac ymgysylltu rhanbarthol ar raddfa fawr. Mae canlyniadau'r ymarfer ymgynghori ac ymgysylltu wedi eu crynhoi ym mhob un o'r prif benodau.

## **9. Datganiad y Prif Swyddog Cyllid**

9.1 Mae'n bwysig fod penderfyniadau'r Cyngor yn seiliedig ar y wybodaeth a'r dystiolaeth orau sydd ar gael. Mae Asesiad o Anghenion Poblogaeth Rhanbarthol Gogledd Cymru yn helpu i ddarparu'r wybodaeth hon. Nid oes

unrhyw ganlyniadau ariannol uniongyrchol gan fod cronfeydd rhanbarthol ar gael i gynhyrchu'r asesiad, fodd bynnag bydd y gwasanaethau yn parhau i fod yn feysydd o bwysau ariannol a bydd yr asesiad o gymorth wrth gynllunio ar gyfer dyrannu adnoddau dros y blynyddoedd i ddod.

## **10. Pa risgiau sydd ac a oes unrhyw beth y gallwn ei wneud i'w lleihau?**

10.1. Nid oes unrhyw risgiau wedi eu canfod wrth gyhoeddi'r Asesiad o Anghenion Poblogaeth Rhanbarthol.

## **11. Pŵer i wneud y penderfyniad**

11.1. Adran 21 Deddf Llywodraeth Leol 2000.

11.2. Adran 7.4.1 Cyfansoddiad y Cyngor